



4. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

- 1. Naalakkersuisut paaissutissiisinaanerlutik immikkut iliuserineqartunut aammalu corona pillugu iliuserineqartunut ukiuni 2020 aamma 2021-mi aningaasartuutit tamakkiisut qassiunersut?**
- 2. Naalakkersuisut paasissutissiissutigisinaanerlugu misissortinneq ataaseq qanoq naleqarnersoq?**
- 3. Naalakkersuisut nassuiarsinnaanerlugu innuttaasut sumilluunniit arlaannik peqquteqarluni angerlarsimaffiup avataani mattusimasariaqartut kiap akiliuttarnerai?
 - a. Allattorsimaffeqarnerluni periarfissamik atuisimasut amerlassusaannik?**
 - b. Aningaasartuutit maannamut qanoq annertutigippat?****
- 4. Naalakkersuisut nassuiarsinnaanerlugu peqqinnissaqarfimmi coronastab-mik pilersitsineq politikikkut pingaarnersiutinertaata tunngavilersuutai suunersut?**
- 5. Corona pillugu allatseqarfik Naalakkersuisoqarfimmiik peeriarlugu peqqinnissaqarfimmut suliassanngortinneqarnerani suut tunngavilersuutaappat?**
- 6. Naalakkersuisut nassuiarsinnaanerlugu akiuussusersuineq sanilliullugu sooq misissortittarnerup pingaarnersiorneqarnera?**
- 7. Naalakkersuisut akiuussusersuinerlut suna periusissiaaraat?
 - a. Naalakkersuisut qaqugumita meeqqat tallimaniit qummut ukiulinnut akiuussusertinnissamik neqeroorfigineqarnissaat aalajangersaaffigissavaat aallarnisarlugulu?**
 - b. Naalakkersuisut qaqugumita booster-akiuussusertinneq (pingajussaaneertinneq) innuttaasuni inuusunnerusunut (40 ataallugit ukiulinnut) neqeroorutiginnissaa aalajangersaaffigissavaat aallarnisarlugulu?****

(Inatsisartunut Ilaasortaq Anna Wangenheim, Demokraatit)



Tungavilersuut

Qularutigineqassanngilaq ukiuni kingullerni Naalakkersuisoqarfinni sulinermi Corona annertungaatsiartumik akuusimammat. Isumaqarpunga killiffik nalilersortariaqaripput tarrarsorfigalugulu politikikkut aaliangiisarnelit killiffimmullu sanilliullugu. Tamatumani aamma ammasumik eqqartortariaqarparput corona-mut akiuiniarnitsinni aningaasat nunatta karsianiit atornerqarneri, minnerunngitsumillu Naalakkersuisut ammaassiaartuaarnissamut periusissiaat ammanerusoq.

Iluatsillugu naqissuserusuppara, pisortaniit innersuussutit eqqaareerlugit suli politikikkut akusissaaffiummat innersuussutit nalilersoqqissallugit, nalilersuinerillu taakku tungavilugit aalajangersaasoqassalluni. Taamaattumillu soqutigisaraara tungavilersuutigineqarsimasut tusassallugit soq corona pillugu allatseqarfik peqqinnisaqarfiup ulluinnarni ingerlaneranut taputartuunneqalersimanera. Peqqinnisaqarfik sulisoqarnikkut pingaarnersiorneqanngereersoq, maannakkullu peqqinnissap tungaatigut pinaveersaartitsineq tunulliullugu aalajangiunneqarsimasoq pingaarnersiorneqalersimanera¹.

Soqutigivarattaq paasissallugu soq misissuineq taama annertutigisoq ingerlanneqarnersoq, akiuussusersuinerup aallarnisarneqarnerata iluatsippallaarsimanngitsutut nalilerneqarsinnaasup aamma eqqarsaatigalugu. Akiuussusersuutit akiuiniarnermut sakkussat pitsaanerit ilagivaat, taamaattumillu politikikkut pingaarnersuineq paasiuminaatsippara, aalajangiisarsimanernullu tungavilersuutigineqartarsimasut paaserusullugit.

Qallunaat Nunaanni meeqqat atuarfiini maanna ernumassutigineqarpoq meeqqat inuusuttullu tunillaassuineq annertuseqqissagaat. Tamanna piuvoq naak meeqqanut akiuussusersuineq aallartereeraluartoq. Meeqqat eqqaaneqartut atuarfinnut tunillaassuinerit ingerlappaat killilersuinerit kinguneqartitsisunik angajoqqaanut erloqisitsisut. Naalakkersuisulliuna qaqugu meeqqanut akiuussusersuinissamut neqeroorummut aalajangersaanissaq qaqugu tiguniarat?

Meeqqat angajoqqaallu neqeroorummut utaqqikatapput, ullut nalinnaanerpaaanissaanut inuuleqqinnissap tungaanut ingerlanissatsinnut toqqissisimatitsisussaammat. Akerlianik piffissap ikerinnaani mattusimagallartariaqartarput, tarnikkullu unammillerneqaassutigisarlugu. Taamaattumik aalajangersaanissaq suli tiguneqarsimannginnera tigujuunaatsippara, tassami Nuummi tunillaassuineq annertunerpaaffissaminiilermat atuarfiit matuneqarsimannginnerini tungavilersuutigineqarmattaq meeqqat illersorneqassasut maatusimanermigut tarnikkut unammillerneqannginnissat.

Illumoorlunga oqassaguma marlunnik isumqarpoq. Kisianni Naalakkersuisut periusissiaank

¹ <https://sermitsiaq.ag/sundhedspersonale-tages-daglig-drift-coronaopgaver>



paasisaqarnerunissannut qilanaarpunga. Matoqqasumik ingerlatsineq peqataatitsinnginnerlu nalornisitsinermik toqqissisimannginnermillu pilersitsivoq. Taamaattumik Naalakkersuisut politikikkut aalajangikkanik ammanerusariaqalerput paasisutissiineralutik.

Apeqqutit ullut qulit suliffiusut iluanni akineqareersimanissaat kissaatigaara.